




P R O O E M I U M

DE

VARIIS EPISCOPORUM ORDINIBUS,

*Quorum sedes in hac Notitia recensentur ; nec
non de totius operis fine & methodo.*



Ecclesia Romana , ^a cui Evangelium Petrus & Paulus sanguine suo signatum reliquerunt : ^b semper Primatum habuit : ^c Ecclesia principalis est , unde unitas sacerdotalis exorta : ^d eaque ad quam propter potentio- rem principalitatem necesse est omnem Ecclesiam convenire. Hujus Episcopus Custos fidei dictus est in Concilio ^e Ephesino : Beatissimus atque Apostolicus vir Papa urbis

Romæ , quæ est caput omnium Ecclesiarum , in ^f Chalcedonensi ; Sanctissimus & beatissimus universalis Patriarcha magnæ Romæ , ab ^g Athanasio Presbytero ; eique , ut ^h Valentiniani Imperatoris verbis utar , Principatum Sacerdotii super omnes antiquitas detulit.

Cur tantam à primis sæculis auctoritatem obtinuerit , si quæras ; respondebunt Optatus Milevitanus , & Petrus Chrysologus , hujus supremæ potestatis originem tribuentes Apostolo Petro : Optatus quidem Milevitanus , dum his verbis Donatistas ad obedientiam sanctæ Sedi Romæ debitam reducere conatur. ⁱ Negare non potes

scire te in urbe Roma Petro primò cathedram Episcopalem esse collatam , qua sederit omnium Apostolorum caput Petrus , unde & Cephæ appellatus est. Chrysologus autem his penè similibus ad Eutychem.

In omnibus hortamur te , frater honorabilis , ut iis quæ à beatissimo Papa Romana civitatis præscripta sunt , obedienter attendas : quoniam

A

beatissimus

amb. Concil. Chalced. : Optat. Milevit. l. 2. contra Donatist. & Petrus Chrysol. epist. ad Eutychem.

I.
DE ECCLESIA
ROMANA ET
SUMMO PON-
TIFICE.

^a Tertull. ad-
vers. Marc. l. 4.

^{c. 5.}
^b Concil. Chalced.

act. 16. ut infra.

^c Cyprianus
epist. 55.

^d Irenæ. l. 3.
contra Valent.

^{c. 3.}
^e Concil. Ephes.

part. 2. act. 2.

Κελεσίνω τῷ Φύ-
λακι τῆς πίστεως ,

ἔκ.

^f Act. 1. Concil.

Chalced. Τοῦ

μνημονεύοντος καὶ

ἀποστολικῆς ἐπι-
σκώπης τῆς Ρω-

μαίων πόλεως καὶ

Φιλῆς ὑπάρχοντος

πασῶν τῶν ἐκκλη-
σιῶν.

^g Athan. in li-
bello ad Leon.

Pap. Τῷ ἀγνίσ-
τάτῳ καὶ μακα-

ρίω πατρί τῆς

μεγάλης Ῥώμης

Λέοντι.

^h Ex Epist. Va-

lent. Imper. in-
ter epist. Præ-